

# SPORAZUM O STVARANJU JEDINSTVENOG EKONOMSKOG PROSTORA U OBLASTI NAFTNIH DERIVATA

Između

Republike Srpske

i

Federacije Bosne i Hercegovine

i

Brčko Distrikta Bosne i Hercegovine

## Član 1.

Entiteti (Republika Srpska i Federacija Bosne i Hercegovine) uviđaju da, u cilju ispunjavanja svojih obaveza u vezi sa postojećim stand-by aranžmanom dogovorenim sa Međunarodnim monetarnim fondom, moraju harmonizirati sve svoje indirektno poreze i takse na naftne derivate. Entiteti su se dogovorili da najkasnije do 15. novembra 2002. godine ponovo počnu primjenjivati indirektno poreze i takse na naftne derivate koje su bile u primjeni na dan 31. oktobra 2002. godine. U svrhu ovog Sporazuma stopa indirektnog poreza i takse koja se primjenjivala u entitetima na dan 31. oktobra 2002. godine podrazumijeva porez na promet po višoj stopi, primjenjivu akciznu stopu i "putarinu" u iznosu od 0,15 KM.

## Član 2.


Brčko Distrikt Bosne i Hercegovine se složio da će, u svrhu stvaranja jedinstvenog ekonomskog prostora u BiH, obim I primjena indirektnih poreza i taksa na naftne derivate biti u potpunosti harmonizirane sa oba entiteta i Brčko Distrikatom. Brčko Distrikt se složio da uvede indirektnu taksu u iznosu od 0,15 km. Ova taksa će stupiti na snagu najkasnije do 31. decembra 2002. godine.

Član 3.

U svrhu daljeg razvoja i unapređenja jedinstvenog ekonomskog prostora u BiH, dogovoreno je da će entiteti i Brčko Distrikt preduzeti značajne korake kako bi se međuentitetske dozvole za akciznu robu izdavale na pravičan i transparentan način. Sa posebnim naglaskom na naftne derivate ovim mjerama se doprinosi unapređenju zakonske prodaje i raspodjele prihoda od akciza do nivoa maloprodaje.

Član 4.


Ovaj Sporazum stupa na snagu danom potpisivanja.



U ime Brčko Distrikta Bosne i Hercegovine



U ime Republike Srpske



U ime Federacije Bosne i Hercegovine